

MIIS

Vaaba Janek

kai ütte arstisarja kon
päätegeläne om üts miis
kiä tõsõ mehega kokku eläs
ei tiiaq kui tuud võru keeli üldäq
tä oll' väega tark
mullõ ommaq targaq kõik aig iinkujus olnu
ku ma sis ütsindä tarõn olli
diivanni päält pistü tulli
mõtli et odot midä ma tegemä pidi
küüki minemä vai
nõssi mu käsi küünärnutist üles
näpp näüdäs kõõgi poolõ
nigu olõs pehmet ja karvasõt
nakaš hirmsa
tei õkva ohtligu lennu vallalõ
vot matvere om miis
timä ei ütleq *awwi* ku ka tõsõq ütleseq
panite tähele et mina ei teinud seda häält
seda häält teevad naised
ütel' tä anu saatõn
om õks esäne
naisteajakirjas
draamaspetsiifilistel teemadel lämisemine
ei huvita mind
ütel' tä intervjuun naistõ aokirjalõ
kurat nigu pall'u saa
mi kõik tiia ammuq et sa miis olõt
no a kuimuudu ollaq sis miis ku essä es olõq